



Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

31 Mars 2017

(02 Rajab 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « *Le Cœur de L'homme* »:

Le cœur de l'homme (la race humaine) li le centre de tous bane émotions humaines. Ene lé cœur ki rempli avec bane mauvais l'émotions et pensées ki seulement ene l'endroit préféré pour Shaytane. Shaytane prend ene tel lé cœur comme so la caze et li servi li comme ene centre de contrôle pour détourne ene serviteur d'Allah du bon chemin. Bane lé cœurs ki rempli avec bane méchanceté et ki sans la foi, et ki rempli de bane doutes et bane l'idées pou fer di tort à bane les autres, d'après le Quran Shareef, sa bane les cœurs coumsa là fine mette ene scellé lor zot. Allah (swt) dit dans So livre: « **De sa façon là, Nous scelle lé cœur de bane ki dépasse limites.** » (Younous 10: 75) et Allah dire aussi: « **Mo pou sème la terreur (frayeur) dans le cœur de bane ki pas croire.** » (Al-Anfal 8: 13).

Quran Shareef faire beaucoup de bane références à lé cœur de l'homme (la race humaine). Le Livre d'Allah (c'est-à-dire, le Quran Shareef) proclame bane nombreux mérites d'ene lé cœur ki sain, ki en bonne santé (ki li de côté spirituelle et physique aussi), et aussi ene lé cœur satisfait ki rempli avec ene l'amour illimité et ene profond compréhension d'Allah et de l'humanité, c'est-à-dire, Allah So création. Par exemple, le Quran Shareef proclamé: « **En vérité, c'est dans le rappel d'Allah ki bane les cœurs capave trouve réconfort** ». (Ar-Rad 13: 29).

Et Allah exhorte tous bane musulmans kot Li (swt) dire: « *Li fine zoine zot les cœurs dans l'amour (la fraternité/ l'amitié).* » (Al-Imran 3: 104); Et ki c'est Li Qui ki faire ki: « *zot les cœurs reste en paix.* » (Al-Imran 3: 127).

La recherche scientifique fine prouvé de façon concluant ki ena ene lien vital ki exister entre l'état de la pensée de l'être humain et so bien-être physique. Ene lé cœur sain (propre, pure, en bonne santé) pour sans aucun doute garde l'esprit aussi sain et vice versa. Le caractère d'ene dimoune li construire lor so bane pensées, en d'autres mots, nous saki nous penser (c'est-à-dire, si nous pense positif, nous caractère aussi pou positif, et si nous pense négatif, nous caractère aussi pou négatif). Allah nous Rab ki Miséricordieux par So bienvéyance fine donne nous le choix et le pouvoir pou ena contrôle lors nous bane pensées et de sa façon là fine permette nous et donne nous la faculté pou construire (pour nous-mêmes) ene caractère digne de louange. Ene caractère immoral li développer à partir bane la grains de pensées immorales tandis ki ene caractère vertueux li développe bane la graines de bane pensées vertueux, bane bons pensées. Couma mo ti dire au commencement, lé cœur li l'endroit kot toutes sortes de bane bons ou mauvais pensées former. Par conséquent, li impératif (bien important) pou cultive ene lé cœur pur et propre.

Alors ki lé cœur li généralement considéré comme le centre de bane émotions romantiques de toutes sortes, qui touche nous la vie de tous les jours, mais le progrès scientifique fine conclu ki le cœur li nek ene la pompe ki pas ena aucaine sentiment ki lié avec sa. En effet, la médecine scientifique fine faire bane progrès extraordinaires contre bane maladies cardiaques. En traitant le cœur couma ene la pompe insensible, bane chirurgiens lé cœurs (c'est-à-dire, bane docteurs lé cœurs ki fer l'opération lors bane dimoune) fine en mesure pou créer bane stimulateurs cardiaques et zot fine capave fréye zot chemin ziska zot fine fer l'ultime découverte en médecine de haute technologie, c'est-à-dire en créant (bien sûr grâce à la permission d'Allah et la connaissance ki vine de Allah seul) lé cœur artificiel. Sa séparation entre le spirituel et le physique li claire ici. Mais spirituellement et émotionnellement parlant, le mot lé cœur li-même li servi métaphoriquement pour désigne le contrôle central de nous l'être intérieur et le fait ki sa région là (c'est-à-dire, nous conscience et nous sentiments) bizin reste toujours propre, sincère et pure. De même, physiquement parlant, lé cœur li la partie principale de nous lé corps, et c'est nous responsabilité sa pou prend grand soin de li. Pli nous pou prend soin de li, plus nous pou ena la chance pou reste en bonne santé.

Ene musulman sincère li celui ki examine so lé cœur de temps en temps pour guetter si pas so sentiment envers les autres li tendre, si pas so bane motifs zot honnêtes, si pas li pé montrer l'amour envers les autres et si pas so lé cœur li pé toujours en quête de la vérité et de l'amour d'Allah. Ene tel lé cœur li le point culminant de l'amour, la bonté, le courage,

l'affection, l'honnêteté, la vérité, la sincérité et l'humilité. Le cœur li le siège de tout bane l'émotions, de l'âme, de l'esprit, du courage, etc. Kan nous reconnaissant envers ene dimoune, nous remercié li du fond du cœur et kan nous frappé avec ene douleur quelconque, c'est fanne nous le cœur. Tous sa là c'est bane l'expression kot le mot le cœur servi dans nous la vie de tous les jours. Si ene dimoune li courageux, nous appelle sa dimoune là ki li ena le cœur d'ene lion, li ene lion, et pour décrire la sincérité nous dire ki li vine du fond du cœur. Ene nouvelle inattendue ou ene l'événement capave casse nous le cœur, et pou comprend l'essence d'ene sujet, sa veut dire ki nous bizin alle au cœur de la question. Quand ou content ene dimoune profondément, au-delà de saki ou capave décrire, ou dire ki sa c'est ene dimoune ki tout à fait d'après mo le cœur (c'est-à-dire, mo bien content li, mo apprécié li et so caractère et so bane actions kot mo le cœur même apprécié sa). Et aussi ena aussi l'expression, changement de cœur, kot c'est ene de bane rare tré (qualité, caractère) humains ki Allah fine donne l'homme et non pas bane les autres créatures. Certains dimounes selman faire bane changement de cœur (c'est-à-dire, zot change l'idée) trop souvent et bane les autres zot ena ene le cœur rosse.

Jésus (Hazrat Isa (as)), fils de Marie (as), fine dire: « *To bizin content le Seigneur to Bondié de tout to le cœur, de tout to l'âme et de tout to l'esprit.* » (Matthieu 22: 37). Le Saint Prophète de l'Islam (saws) fine également décrire l'importance d'ene le cœur pur et sincère. Hazrat Muhammad (saws) fine dire: « *Dans le corps ena ene morceau la chair, ki kan li en bonne santé, tout le corps reste sain (propre, en bonne santé), et kan li vine malsain, tout le corps (entier) vine malsain, et en vérité, sa morceau là c'est le cœur.* » (Bukhari).

Sa citation précis là illustrer ki le cœur de l'homme li la source de tous nous bane l'émotions. Si le cœur entretenir bane pensées pures, alors tous so bane actions pou lors le chemin de la vertu, mais si le cœur là li rempli de bane pensées et d'idées vicié (bane bien mauvais pensées et l'idées), alors c'est sûre ki nous pou suivre le chemin de bane vices et de la dépression.

Bane pensées et l'idées former dans ene le cœur couma bane la grains dans ene jardin ki alors bientôt pousser pleinement, kot zot vine bane plantes. La pureté du cœur stimule la croissance de l'arbre de la vertu. Le point extrêmement important de la question c'est ki si le cœur li en bonne santé, alors la mains, lipiés, la langue, l'esprit et lizié aussi pou en bonne santé.

Tous bane louanges appartenir à Allah (swt). Mo fer *duah* avec Allah (swt), ki Allah (swt) aide nous tous pou nettoye nous le cœur et rende li pur, et ki aucaine pensée et l'idée vicié pas rempli nous le cœur; Seulement la pureté du cœur pou rester. *Insha-Allah, Ameen, Soumma Ameen.*